



Te grafie ufficiâl si à di scrivi "i" tra vocâls in peraulis come

chestis:

bataie, fertaie, maion, paiâ, ploie, roie...

Cheste regule di scriture e ven incuintri a une situazion di pronunzie che tra lis **diviersis varietâts furlanis** e je avonde complesse. Di fat a son:

1) varietâts che i chescj câs a pronunziin simpri "i"

2) varietâts che no lu pronunziin mai, alore a pronunziin come se al fos scrit "batae", "fertae", "maon", "paâ", "ploe", "roe"

3) varietâts che a pronunziin "i" dome cuant che al è prime de vocal toniche, vâl a dî chê dite cun plui fuarce (e che par facilitâ, ta chescj esemplis o metin une liniute sot), alore a pronunziin come se al fos scrit "batae", "fertae", "maion", "paiâ", "ploe", "roe"

Alore par furlan si racomande di scrivi simpri chest "i", ma di lei ognidun cu la sô varietât: alore se o sêus usâts a no pronunziâ chel "i", no stait a pronunziâlu dome parcè che al è scrit, lait daûr de vuestre varietât fevelade, tal fevelâ!

Se invezit o volês pronunziâ daûr de coinè (che però no à regulis di pronunzie fissadis), alore tignît cont che la plui part des varietâts centrâls a àn il compuartament numer 3.